


T2720  
~~T915~~/1142



介山室別集卷六十三

國子祭酒年表

共郡王世貞

國子監古太學也祭酒古宴賓之尊長者先數酒以  
酬也者也博士有之郡邑三老亦有之至晉而始以  
祭酒為國子遂為諸生師

高皇帝因元之舊不廢其祭有司其監丞博士助教

典簿等正字錄掌儀之類祭酒正四始為祭酒

四監以國子為中亦國子祭酒不為祭酒

祭酒亦國子祭酒不為祭酒

弁山堂別集卷六十三

國子祭酒年表

國子監古太學也祭酒古宴賓之尊長者先舉酒以  
酹地者也博士有之郡邑三老亦有之至晉而始以  
祭酒屬國子遂為諸生師

高皇帝因元之舊不廢其僚有司業監丞博士助教  
典簿奉正奉錄掌饌之類祭酒正四品尋降秩為從  
四品以鳳陽為中都亦置國子祭酒未幾革永樂間  
林北京設國子監其國子監冠以南京

吳郡王世貞元美著

哈佛大學  
圖書館  
藏書  
印

許存仁浙江金華人徵文孝吳元年任洪武元年被  
劾去

梁貞浙江新昌人由監生洪武元年任三年致仕  
魏觀湖廣蒲圻人以文孝奉三年任四年坐視禮不  
以時奏謫

樂韶鳳直隸全椒人由兵書十三年任本年致仕

李鴻漸直隸江都人由進士十四年任

吳顛河南歸德人由舉明經十五年任十六年坐罪

宋訥直隸滑縣人舉文孝十六年任二十三年卒

龔教江西鉛山人奉明經儒士三十五年任

胡季安江西南昌人奉明經儒士二十五年任二十  
九年坐黨罪免

楊松江西建昌人舉明經二十九年任三十三年免

張顯宗福建寧化人由進士三十一年任

徐旭江西樂平人由進士永樂元年任二年被劾

胡儼江西南昌人由舉人二年任洪熙元年加授太

子賓各致仕

貝泰浙江金華人由鄉貢宣德二年任正統六年坐  
賊致仕

李時勉江西安福人由進士六年任十一年致仕

蕭鏞江西泰和人由進士正統十二年任

劉鉉直隸長洲人由奉人景泰三年任

王恂湖廣公安人由進士四年任五年卒

陳詢直隸華亭人由進士五年任天順二年致仕

劉益江西吉水人由進士三年任七年卒

司馬恂浙江山陰人由解元八年任成化二年卒

邢讓山西襄陵人由進士二年任

陳鑑直隸長洲人由榜眼五年任本年以人言除名

李紹江西安福人由進士六年起再任未至而卒

柯潛福建莆田人由六年起任終喪辭尋卒

周洪謨四川長寧人由進士十一年任

耿裕河南盧氏人由進士十二年任

丘濬廣東瓊山人由進士十三年任十六年陞禮侍

費閻直隸丹徒人由進士二十三年任

鄭紀福建仙游人由進士弘治三年任

林瀚福建閩縣人由進士九年陞禮右仍掌監事

謝鐸浙江太平人由進士十二年起陞禮右掌祭酒

事十七年致仕

黃恂浙江餘姚人由進士十七年任

張璨廣西平南人由進士十八年任

李旻浙江錢唐入由進士正德元年以太常鄉掌國  
子祭酒事

周玉浙江臨海入由進士二年任四年致仕

王鴻儒河南七陽入由進士四年任五年回籍

王雲鳳山西和順入由進士四年任五年改南通政

石瑤直隸藁城入由進士五年任

王瓚浙江永嘉入由進士八年任

魯鐸湖廣景陵入由進士十一年任十二年養病

陳霽直隸吳縣入由進士十二年任十三年致仕

賈詠河南臨潁入由進士十三年任本年丁憂

趙永直隸臨淮入由進士十四年任

嚴嵩江西分宜人由進士嘉靖四年任

陸深直隸上海入由進士七年任八年降府同知

魏校直隸崑山人由進士八年任本年致仕

許誥河南靈寶入由進士八年以太常鄉管監事

林文俊福建莆田入由進士十一年任

王激浙江永嘉入由進士十三年任十四年歸

吳惠浙江鄞縣入由進士十四年以太常鄉掌國子

祭酒事本年調南常鄉

呂柟陝西高陵入由進士十四年任

許成名山東聊城人由進士十五年以常鄉掌國子  
祭酒事本年憂

王教河南祥符人由進士十六年任

崔桐直隸海門人由進士十九年以常鄉掌監事

張袞直隸江陰人由進士二十一年常鄉掌監事二

十二年降南 少鄉

徐階直隸華亭人由探花二十二年任

王用賓陝西咸寧人由進士二十四年任

王道山東武城人由進士二十六年以禮右掌監事

歐陽德江西泰和人由進士廿六年掌鄉掌監事

周文燭浙江山陰人由進士廿六年任廿七年養病

李木浙江餘姚人由進士二十七年任

孫陞浙江餘姚人由進士二十八年任

閔如霖浙江烏程人由進士三十年常鄉掌監事

吳山江西高安人由進士三十一年常鄉掌監事

敖銑江西高安人由進士三十二年常鄉掌監事

李璣江西豐城人由進士三十三年任

尹臺江西永新人由進士三十三年任

郭盤山西高平人由進士三十四年任

林庭機 瀚之子由進士三十六年任

沈坤直隸太河衛人由狀元三十八年起未任

高拱河南新鄭人由進士三十九年常卿掌監事

秦鳴雷浙江臨海人由進士四十一年常卿掌監事

高儀浙江錢唐入由進士四十四年常卿掌監事

陳以勤四川南充人由進士四十三年常卿掌監事

胡正蒙浙江餘姚人由探花四十四年常卿掌監事

四十五年卒

汪鏜浙江鄞縣人由進士四十五年任

林爓庭機之子由進士四十五年任

胡杰江西豐城人由進士隆慶元年任本年養病

趙貞吉四川內江人由進士以吏左掌詹事府隆慶

元年兼掌監事

呂調陽廣西臨桂人由進士隆慶元年任

王希烈江西南昌人由進士元年任

孫鋌陞之子由進士三年任

馬自強陝西同州人由進士四年任

丁士美直隸清河人由進士五年任

萬浩江西進賢人由進士六年以禮右掌監事

林士章福建漳浦人由進士萬曆元年改任

王錫爵直隸太倉人由榜眼萬曆二年任



孫應鰲貴州清平衛籍直隸如臯人由進士以禮右掌監事萬曆三年任

姚弘謨浙江秀水人由進士萬曆五年改任

呂旻福建龍溪人由進士萬曆五年任

余宥丁浙江鄞縣人由進士萬曆六年以太常卿掌監事七年陞禮右掌監事

陳思育湖廣武陵人由進士萬曆七年任

許國直隸欽縣人由進士萬曆八年陞太常卿管監事未任

周子義直隸無錫人由進士萬曆八年任

高啟愚四川銅梁人由進士萬曆十一年改任

羅萬化浙江會稽人由狀元萬曆十一年任

范應期浙江烏程人由狀元萬曆十二年任

張位江西新建人由進士萬曆十二年任

徐顯卿直隸長洲人由進士萬曆十二年左右諭德兼翰林侍讀任

韓世能直隸長洲人由進士萬曆十三年左右諭德兼翰林侍讀任

李長春四川富順人由進士萬曆十四年左右春坊左

庶子兼翰林侍讀任

田一儁福建大田人由進士左春坊左諭德兼幹林  
侍讀萬曆十五年任

劉元震直隸任丘人由進士萬曆十七年任

南京國子監祭酒年表

胡澂直隸武進人由舉人永樂二十三年任

陳璉廣東莞人由舉人宣德元年任本年憂

陳敬宗浙江鄞縣人由進士正統三年任景泰元年

致仕卒

吳節江西安福人由進士景泰元年任

劉俊陝西寶雞人由進士天順八年任

周洪謨四川長寧人由及第成化三年任

王與直隸武進人由進士七年任

劉宣江西安福人由進士十八年以南京太常寺卿

掌監事

徐瓊江西金谿人由及第二十二年以南京太常寺卿掌監事

謝鐸浙江太平人由進士弘治三年任四年致仕

李傑直隸常熟人由進士四年任六年丁憂

羅璟江西泰和人由及第六年任九年致仕

劉震江西安福人由進士九年任十四年卒

黃珣浙江餘姚人由及第十四年推未任丁憂

楊守阯浙江鄞縣人由及第十四年以吏部侍郎署本監事

李良浙江錢塘人由狀元十五年以常少署監事十七年養母歸

章懋浙江蘭谿人由進士十八年任正德二年致仕

蔡清福建晉江人由進士三年起任未至卒

王敕山東歷城人由及第三年任四年免

石瑄直隸藁城人由進士四年任

王瓚浙江永嘉人由進士五年任

吳一鵬直隸長洲人由進士八年任

魯鐸見北監十年任嘉靖元再任二年卒

賈詠河南臨潁人由進士十一年任十五年

汪偉江西弋陽人由進士十五年任

崔銑河南安陽人由進士嘉靖二年致仕

湛若水廣東增城人由進士三年任

張邦奇浙江鄞縣人由進士七年任

林文俊福建莆田人由進士九年任

陳寰直隸常熟人由進士十年任十二年致仕

王道山東武城人由進士十二年任十三年養親

費宗江西鉛山人由進士十三年任

倫以訓廣南海人由榜眼十五年任十七年養病

馬汝驥陝西綏德人由進士十七年任

鄒守益江西安福人由探花十九年任二十年閑住  
龔用卿福建懷安人由狀元二十一年任二十二年

調

黃佐廣東香山人由榜眼廿二年任三十三年夏

程文德浙江永康人由進士廿三年任廿六年夏

李本浙江餘姚人由進士二十六年任

李默福建甌寧人由進士二十七年任常卿掌事

閻樸山西榆次人由進士二十九年任三十年任遠

限為民

茅瓚浙江錢塘人由狀元三十年任三十二年改北

監未任

尹臺江西永新人由進士三十二年任三十三年改

林庭概福建閩縣人由進士三十三年任

王維禎陝西華州人由進士三十四年推未任卒

沈坤直隸崑山人太河衛籍由狀元三十五年任三

十六年憂

潘晟浙江新昌人由進士三十六年任三十八年憂

秦鳴雷浙江臨海人由進士三十八年任改北

王材江西新城人由進士四十年常卿掌監事四十

二年閑住

裴宇山西澤州人由進士四十一年任

瞿景淳直隸常熟人由進士四十三年常卿掌監事

林樹聲直隸華亭人由進士四十四年常卿掌事未

任養病

胡杰江西豐城人由進士四十五年任改北監

呂調陽廣西臨桂人由進士隆慶元年任改北監

姜金和江西鄱陽人由進士元年任二年養病

姜寶直隸丹陽人由進士二年任四年聽勘

萬浩江西進賢人由進士四年任

陶大臨浙江會稽人由進士五年任

林士章福建漳浦人由探花六年任萬曆元年改北  
萬士和直隸宜興人由進士萬曆元年任

姚弘謨浙江秀水人由進士萬曆元年改未任

余有丁浙江鄞縣人由進士萬曆二年任

殷邁南京留守右衛人由進士萬曆五年以南京禮  
部右侍郎管本監事

屠羲英直隸寧國人由進士萬曆五年陞南京太常  
寺卿管本監事

許國直隸歙縣人由進士萬曆六年任

戴洵浙江奉化人由進士萬曆八年任

高啟愚四川銅梁人由進士萬曆九年任十一年改  
北監

王弘誨廣東定安人由進士萬曆十一年任

黃鳳翔福建晉江人由榜眼萬曆十二年任

趙志臯浙江蘭谿人由探花萬曆十四年任

趙用賢直隸常熟人由進士萬曆十四年任

張一桂河南祥符籍直隸歙縣人由進士萬曆十七  
年任

總督宣大軍務年表

宣大始贊理鎮朔征西二將軍軍務兼理巡撫後或合而一或分而爲二自尚書石璞之總理則總督昉也然或置或否至嘉靖十年而始定耳

石璞河南臨漳人由進士景泰二年以工部尚書兼大理寺卿總督宣大軍務出禦北虜本年以功加太子太保兵部尚書

王越直隸濬縣人景泰辛未進士成化十年以左都御史出督軍務

余子後四川青神人景泰辛未進士成化十八年以

戶部尚書總督宣大軍務禦北虜二十一年復改兵部還朝本年改左都御史撫大同二十二年致仕

李介山東高密人成化己丑進士弘治十一年以兵部左侍郎兼都察院左僉都御史總制宣大軍務十三年卒

許進河南靈寶人成化丙戌進士十三年以兵部左侍郎兼僉都御史提督宣大軍務本年致仕

史琳浙江餘姚人成化丙戌進士十四年以右都御史提督宣大軍務十五年還院十八年再出總督本年還院卒

閻仲字陝西隴州人成化己丑進士十七年以兵部右侍郎兼僉都御史總督宣大軍餉

劉宇河南鈞州人成化壬辰進士十八年以右副都御史提督宣大軍務正德二年回院

文貴湖廣湘鄉人遼東廣寧左衛籍成化乙未進士正德二年以兵部左侍郎兼都察院左僉都御史提督宣大軍務本年閒住

叢蘭山東文登人成化丁未進士八年以戶部左侍郎兼僉都御史總督大軍餉九年陞右都御史總督宣大軍務

丁鳳直隸蠡縣人成化丁丑進士十一年以兵部右侍郎兼都察院右僉都御史總督宣大軍務十三年回籍

馮清順天宛平人弘治癸丑進士十三年以兵部左侍郎兼都察院左僉都御史提督宣大軍務

孟鳳山東曲阜人弘治庚戌進士十六年以刑部右侍郎兼僉都御史規處邊情

劉源清山東七平人正德甲戌進士嘉靖十年以兵部左侍郎兼都察院右僉都御史總督宣大軍務十三年以叛軍謫爲民



張瓚直隸滄州人弘治乙丑進士十三年以兵部左侍郎兼僉都御史總制宣大邊關宣大軍務本年部周叙湖廣九溪衛人弘治壬戌進士十五年以兵部左侍郎兼僉都御史總制宣大軍務

樊繼祖山東鄆城人嘉靖辛未進士二十年以兵部尚書兼副都御史總督宣大軍務

翟鵬山東武定人直隸撫寧籍正德戊戌進士二十二年以兵部左侍郎兼都察院右僉都御史總督宣大山西偏保順天河南山東軍務二十三年進兵部尚書兼都察院左副都御史仍前任廿四年謫戍

翁萬達廣東揭陽人嘉靖丙戌進士二十四年以兵部左侍郎兼僉都御史總督宣大軍務加左右都御史兵部尚書

郭宗臯山東福山千戶所人嘉靖己丑進士二十八年以兵部左侍郎兼都察院左僉都御史總督宣大軍務二十九年下獄謫戍

蘇祐山東濮州人嘉靖丙戌進士二十九年以兵部左侍郎兼僉都御史總理宣大軍務三十一年以軍功陞右都御史三十二年陞兵部尚書兼都察院左副都御史俱仍舊任三十三年致仕尋下獄為民

許論河南靈寶人嘉靖丙戌進士三十二年以兵部  
左侍郎兼僉都御史總督宣大軍務本年陞右都御  
史累加太子太保兵部尚書

江東山東朝城人嘉靖己丑進士二十五年以兵部  
右侍郎兼僉都御史總督宣大四十一年加太子少  
保兵部尚書總督軍務

楊順山東德州衛人嘉靖辛丑進士三十六年以兵  
部左侍郎兼都察院右僉都御史總督宣大軍務三  
十七年下獄謫戍

楊博山西蒲州人嘉靖己丑進士三十七年以太子

太保兵部尚書總督宣大軍務

張松河南洛陽人嘉靖戊戌進士三十八年以都察  
院左副都御史總督三十九年聽調

葛縉山東昌邑人嘉靖乙未進士三十九年以副都  
御史總督加兵部右侍郎

李文進四川巴縣人嘉靖乙未進士三十九年以都  
察院右副都御史總督四十年加兵部右侍郎兼都  
察院右僉都御史仍前任四十一年卒

趙炳然四川劍州人嘉靖乙未進士四十四年以兵  
部尚書兼右都御史總督

王之誥湖廣石首人嘉靖甲辰進士四十五年以兵部左侍郎兼僉都御史總督以軍功加右都御史隆慶元年回籍聽勘

陳其孝山東登州衛人嘉靖甲辰進士隆慶元年以右都御史兼兵部右侍郎任

王崇古山西蒲州人嘉靖辛丑進士隆慶四年以右副都御史兼兵部右侍郎任加太子太保兵部尚書兼右副都御史

方逢時湖廣嘉魚人嘉靖辛丑進士

吳允浙江山陰人嘉靖己未進士

鄭洛直隸安肅人嘉靖丙辰進士

蕭大亨山東泰安籍江西吉水人嘉靖壬戌進士

總督薊遼保定都御史年表

總督薊遼保定軍務最爲近設嘉靖二十一年因虜警胡守中以兵部右侍郎提督駐劄薊鎮二十九年孫禴以兵部左侍郎提督未久俱勒歸最後始創設總督開府密雲總轄順天保定遼東三巡撫總兵以下悉聽節制仍兼理糧餉

何棟陝西長安人由進士嘉靖二十九年以兵部右侍郎兼僉都御史總制薊遼軍務三十一年陞右都

御史仍前任三十二年間住

楊博山西蒲州人由進士三十二年以兵部左侍郎  
兼僉都御史任入爲兵部尚書三十八年自宣大總  
督改任加少保

王忬直隸太倉人由進士三十四年以兵部左侍郎  
兼僉都御史三十五年以軍功加右都御史仍前任  
三十八年罷

許論河南靈寶人由進士三十八年以太子太保尚  
書起任四十年回籍聽勘

楊選山東章丘人由進士四十年以兵部右侍郎兼

僉都御史任四十二年下獄

劉燾直隸天津衛人由進士四十二年以兵部右侍  
郎兼僉都御史任四十五年加右都御史仍前任隆  
慶元年聽勘降爲兵部右侍郎巡視陝西三邊回兵  
部

曹邦輔山東定陶人由進士隆慶元年以兵部右侍  
郎兼僉都御史任

譚綸江西宜黃人由進士二年以兵部左侍郎兼僉  
都御史任陞京營右都御史

劉應節山東維縣人由進士四年以兵部右侍郎兼

金都御史任累加右都御史

楊兆陝西虜施人嘉靖丙辰進士萬曆三年以兵部  
右侍郎兼僉都御史任累加右都御史轉南京工部  
尚書

梁夢龍直隸直定人嘉靖癸丑進士萬曆  
都御史任累加兵部尚書

吳允浙江山陰人嘉靖己未進士萬曆  
御史任入爲兵部尚書

周詠河南延津人嘉靖壬戌進士萬曆  
右侍郎兼僉都御史任累加右都御史爲民

張佳胤四川銅梁人嘉靖庚戌進士萬曆十三年以  
兵部尚書累加太子太保

王一鶚直隸曲周人嘉靖癸丑進士萬曆十四年以  
兵部右侍郎任加右都御史

張國彥直隸肥鄉人萬曆十五年以右都御史任

弇山堂別集卷六十三

弇山堂別集卷六十四

吳郡王世貞元羨著

總督陝西三邊都御史年表

高皇帝初中山武寧王達等下陝西遂悉平甘肅寧夏諸鎮秦慶肅三公填之而侯伯都督耿秉文等理兵政間命宋穎諸國公一按閱操練而已永樂始命寧陽侯陳懋西寧侯宋晟填寧夏寧遠侯何福等填甘肅而文臣不過分理文移治糧餉而已正統初西虜弗靖始命兵部尚書王驥提督諸軍據總兵官任禮蔣貴上討平之而陝西合右都御史王文陳鑑分

歲鎮守然實未嘗合三鎮而歸一總督也成化初滿  
四據石城叛詔左副都御史項忠總全陝三邊兵討  
之已詔右都御史王越右副都御史馬文升總兵如  
之然有事而置事已則革不為恒也弘治十年始起  
王越以太子太保左都御史總制禦火飾十一年平  
十五年秦紘以戶部尚書起寄如越自是定矣嘉靖  
十九年避制字改總督

項忠浙江嘉善人正統壬戌進士以左副都御史討  
滿四任陞右都御史入掌院後為兵部尚書  
馬文升河南鈞州人景泰辛未進士

以巡撫左都御史遷任入為兵部右侍郎

王越直隸濬縣人景泰辛未進士歷封威寧伯為民  
弘治十年以太子太保兼都察院左都御史任本年  
以賀蘭山功加少保兼太子太傅十一年卒於耕

秦紘山東單縣人景泰辛未進士十五年以戶部尚

書兼左都御史總制軍務十七年取回部未任

楊一清雲南安寧人湖廣巴陵籍成化壬辰進士十

七年以左副都御史任總制進右都養病正德五年  
起提督軍務仍兼總制入為戶部尚書嘉靖四年以  
致仕大學士起少傅兵部尚書左都御史任仍入內

閣

才寬直隸遷安人成化戊戌進士正德四年以工部尚書兼左都御史任本年率師擊套虜中箭卒

陳震陝西慶陽衛籍安化縣人成化丁未進士正德五年以兵部左侍郎兼僉都御史討寘鐸暫行總制三邊事尋取回以附瑾削爲民

張泰直隸肅寧人成化戊戌進士正德六年以右都御史任八年卒于固原贈刑部尚書

鄧璋順天涿州人成化丁未進士正德九年以右都御史任十年致仕

彭澤湖廣長沙人陝西蘭州衛籍弘治庚戌進士正德九年以太子太保左都御史任

李鉞河南祥符人弘治丙辰進士正德十六年以兵部左侍郎兼僉都御史任

王憲山東上平人弘治庚戌進士嘉靖四年以兵部尚書兼右都御史任六年加太子太保

王瓊山西太原人成化甲辰進士嘉靖七年起兵部尚書兼右都御史任加太子太保

唐龍浙江蘭谿人正德戊辰進士嘉靖十年以兵部尚書兼右都御史任



婉鎮浙江慈谿人弘治癸丑進士嘉靖十四年以兵部尚書兼右都御史任忤旨閑住

劉天和湖廣麻城人正德戊辰進士嘉靖十五年以兵部左侍郎兼副都御史任十六年以功陞左都御史仍加太子太保兵部尚書

楊守禮直隸安州人山西蒲州籍正德辛未進士嘉靖十九年以兵部尚書兼右都御史任二十年加太子少保二十二年守制

張珩山西石州人正德辛巳進士嘉靖二十二年以兵部右侍郎兼僉都御史任二十四年加右都御史

二十六年陞總儲尚書未任下獄

曾銑浙江黃巖人嘉靖巳丑進士二十五年以兵部右侍郎兼僉都御史任二十六年下獄

王以旂應天江寧人正德辛未進士嘉靖二十六年以兵部尚書兼右都御史任三十年加太子太保三十二年卒

貝應春直隸真定人嘉靖癸未進士三十二年以兵部右侍郎兼僉都御史任三十四年加右都御史照舊任

王夢弼山西代州人嘉靖乙未進士三十六年以兵

部右侍郎兼僉都御史任三十七年致仕

魏護吉直隸栢鄉人嘉靖十七年進士三十七年以兵部右侍郎兼僉都御史任

郭乾直隸任丘人嘉靖戊戌進士三十九年以兵部

右侍郎兼僉都御史任四十二年以右都御史任

程軌山東臨清人嘉靖戊戌進士四十年以兵部右

侍郎兼僉都御史任四十一年閑住

喻時河南光山人嘉靖戊戌進士四十一年以兵部

右侍郎兼僉都御史任

陳其孝山東登州衛人嘉靖甲辰進士四十五年以

兵部右侍郎兼僉都御史任本年加右都御史尋回籍起總督宣大軍務

霍冀山西孝義人嘉靖甲辰進士四十五年以兵部

右侍郎兼僉都御史任後加右都御史仍前任

王崇古山西蒲州人嘉靖辛丑進士隆慶元年以兵

部右侍郎兼右僉都御史任陞右都御史兼兵部右

侍郎仍前任四年改總督宣大軍務

王之誥湖廣石首人嘉靖甲辰進士隆慶四年以右

都御史兼兵部左侍郎任陞南京兵部尚書

戴才直隸滄州人嘉靖甲辰進士隆慶四年以右都

御史兼兵部右侍郎任

石茂華

董

郜光先山西潞安人嘉靖己未進士

梅友松四川內江人嘉靖乙丑進士

總督兩廣軍務年表

洪武元年

柳下

廣東西命永嘉侯朱亮祖出鎮廣

永樂中廣西則都督韓觀山雲侯柳溥相繼為大帥

得專征及誅賞獨有文臣督攝之寄至正統十四年

苗寇蝟起廣東則命侍郎揭稽廣西則命侍郎李棠

各巡撫之然二廣地勢犬牙賊東西豕突來往叵測

而武臣自守便利不相策應 天子用兵部尚書

謙言命太子太保左都御史王翱總督兩廣軍務自

總兵以下悉聽節制一切便宜從事然事已即歸不

恒設馬昂再以提督至葉盛以巡撫至成化元年復

命都督趙輔率大兵討之陞浙江叅政韓雍爲僉都御史贊理軍務然於制書特重雍旣平寇遂命總督軍務兼理巡撫乂之雍以兩廣土地廣遠恐餘孽復生重貽邊患請於朝願得文武大臣分理其事

上命副都陳濂撫廣東僉都張鵬撫廣西而雍專治軍尋以憂去五年復起雍以右都御史總督兼巡撫於梧州開設總府居中調度兩廣副總兵叅將而下悉聽節制而兩廣巡撫復不設仍統於總督正德十一年改總督爲提督嘉靖四十五年因廣東寇發遣制不便兵部題准總督軍務止撫廣西於廣東另設

巡撫至隆慶四年又改總督閩廣兼理糧餉巡撫廣東於廣西另設巡撫

王翱直隸鹽山人成化乙未進士景泰三年以左都御史總督兩廣軍務

馬昂直隸滄州人由舉人景泰四年以右都御史總督軍務六年以平賊功轉左都仍前任天順元年致仕

葉盛直隸崑山人弘治乙丑進士天順二年以右僉都御史巡撫兩廣提督軍務

韓雍直隸吳縣人順天宛平籍正統壬戌進士成化

元年以左僉都御史贊理軍務二年以功陞左副都御史總督巡撫六年又加右都御史起前任致仕

吳琛直隸繁昌人景泰辛未進士成化五年以右僉都御史巡撫六年取回南院十年陞右副都總督軍務仍巡撫兩廣十一年卒

朱英湖廣桂陽人正統乙丑進士成化二年以左僉都御史軍功五年加右都御史仍前任

朱旻浙江淳安人景泰辛未進士成化二十年以右都御史總督二十三年致仕

屠瀟浙江鄞縣人成化丙戌進士弘治元年以右都

御史任

秦紘山東單縣人景泰辛未進士弘治二年以右都御史任四年被逮

閔珪浙江烏程人天順甲申進士四年以右都御史任

唐珣直隸華亭人天順丁丑進士八年以右都御史任九年卒

鄧廷瓚湖廣巴陵人景泰甲戌進士弘治九年以右都御史任兼理巡撫十年陞左都御史仍前任十三年卒

劉大夏湖廣華容人天順甲申進士弘治十三年以  
右都御史任

潘蕃浙江崇德人由進士弘治十五年以右都御史  
任

熊繡湖廣道州衛籍江西豐城人由進士正德元年  
以右都御史任二年還南院卒

陳金湖廣應城人成化壬辰進士正德三年以右都  
御史任三年轉左都仍前任丁憂十年起累加少保

劉洪湖廣安陸人由進士正德三年以右都御史任  
林廷選福建長樂人由進士正德五年以右都御史任

周南浙江縉雲人成化戊戌進士正德九年以右都  
御史任十年致仕卒贈太子少保

楊旦福建上安人弘治庚戌進士正德十二年以右  
都御史任十四年丁憂

蕭翀四川內江人成化辛丑進士正德十四年以右  
都御史任十六年致仕

張嶺浙江蕭山人由進士正德十六年以右副都御  
史任

盛應期直隸吳縣人弘治癸丑進士嘉靖三年以兵  
部右侍郎兼僉都御史任四年改工部易州

姚鎮浙江慈谿人弘治癸丑進士嘉靖四年以右都御史任六年加太子少保兼左都仍前任本年致仕

王守仁浙江餘姚人弘治己未進士嘉靖六年以南京兵部尚書新建伯任仍兼制江西湖廣

林富福建莆田人弘治壬戌進士嘉靖七年以右副都御史任八年加兵部右侍郎兼僉都致仕十一年

陶諧浙江會稽人弘治丙辰進士嘉靖十二年以兵部右侍郎兼僉都御史任

錢如京直隸桐城人弘治己未進士嘉靖十四年以兵部左侍郎兼僉都御史任

潘旦直隸婺源人弘治己丑進士嘉靖十五年以兵部左侍郎兼僉都御史任十六年取回南兵部尋致仕蔡經福建侯官人由進士嘉靖十六年以兵部右侍郎兼僉都御史任二十年加右都御史二十一年加兵部尚書二十三年丁憂

潘鑑直隸婺源人正德戊辰進士嘉靖二十三年以兵部尚書兼右副都御史總督軍務兼理巡撫卒于家

張岳福建惠安人正德丁丑進士嘉靖二十三年以兵部左右郎兼左僉都御史任

歐陽必進江西安福人正德丁丑進士嘉靖二十六年以兵部左侍郎任

周延江西吉水人嘉靖癸未進士二十九年以兵部右侍郎兼僉都御史任

應櫛浙江遂安人嘉靖丙戌進士三十一年以兵部右侍郎兼僉都御史三十三年卒

譚愷直隸無錫人嘉靖丙戌進士三十三年以兵部右侍郎兼僉都御史任三十六年閑住加右都御史

王鈞浙江奉化人嘉靖癸未進士三十六年以兵部右侍郎兼僉都御史任

鄭綱福建莆田人嘉靖己丑進士三十八年以兵部右侍郎兼僉都御史任四十年卒

張臬江西進賢人嘉靖丙戌進士四十年以兵部右侍郎兼僉都御史任四十二年陞都察院右都御史仍前任四十三年閑住

吳桂芳江西新建人嘉靖甲辰進士四十三年以兵部右侍郎兼僉都御史任四十五年改總督軍務止撫廣西

譚綸江西宜黃人嘉靖甲辰進士四十五年以兵部右侍郎兼僉都御史任



張瀚浙江仁和人嘉靖乙未進士隆慶元年以兵部  
左侍郎兼僉都御史任二年致仕

劉燾直隸天津左衛人嘉靖戊戌進士隆慶二年以  
左都御史兼兵部左侍郎任四年閑住

李遷江西新建人嘉靖辛丑進士隆慶四年任陞右  
都御史兼兵部左侍郎陞南京刑部尚書

殷正茂直隸歙縣人嘉靖丁未進士隆慶五年以兵  
部右侍郎兼僉都任累加兵部尚書

凌雲翼直隸太倉人嘉靖丁未進士萬曆三年以兵  
左侍郎加右都御史

劉堯誨湖廣臨武人嘉靖癸丑進士萬曆六年以兵  
左侍郎加右都御史

陳瑞福建長樂人嘉靖癸丑進士萬曆八年以兵部  
尚書左都御史任

郭應聘福建莆田人嘉靖庚戌進士萬曆十年以兵  
左侍郎

吳文華福建連江人嘉靖丙辰進士萬曆十四年以  
左侍郎加右都御史

吳善福建龍溪人嘉靖壬戌進士萬曆十五年以兵  
右侍郎次年卒

劉繼文直隸靈壁人嘉靖壬戌進士萬曆十六年以兵右侍任

南京守備協同叅贊大臣年表

永樂中

皇太子監國南都府部大小諸臣六軍按堵如故自二十二年

皇太子即位爲

仁宗亡何晏駕

皇太子來自南都即位是爲

宣宗始 制詔太監鄭和王瑾總下西洋及晉都水陸兵馬與駙馬都尉沐琮襄城伯李隆同督守備於是和等稱內守備琮等稱外守備而亡何琮罷隆專督守備久之以南京戶部尚書黃福叅贊機務叅贊所理專外守備亦時與內守備叅蓋位差亞而權寔重今列外守備叅贊諸公於左

南京守備

襄城伯李隆直隸和州人永樂二十二年任

駙馬都尉沐昕鳳陽府人永樂二十二年一同鎮守

駙馬都尉西寧侯宋琥鳳陽府人宣德五年任

豐城侯李賢鳳陽人正統五年任

定遠伯任禮河南人景泰三年任

平江侯陳豫廬州府人景泰五年任

魏國公徐承宗鳳陽府人天順元年任卒在任八年

成國公朱儀鳳陽府人天順八年任成化二十二年

加太子太傅弘治九年卒謚簡在任三十三年

魏國公徐備弘治九年任十三年加太子太傅正統

六年復任十二年卒謚莊靖

成國公朱輔弘治十三年任正德五年加太子太傅

六年取提督三千營十二年復任

魏國公徐鵬舉正德十六年任嘉靖四年加太子太

保嘉靖十七年復任共任三十二年

撫寧侯朱麒河南夏邑縣人嘉靖十三年任加太子

太保

鎮遠侯顧寰直隸揚州府人嘉靖十四年任

撫寧侯朱岳河南夏邑縣人嘉靖三十四年任

豐潤伯曹松嘉靖三十六年以協同陞任

臨淮侯李庭竹盱眙縣人隆慶四年任本年推總督

京營戎政萬曆元年四月復任

懷寧侯孫世忠隆慶四年以協同陞任

恭順侯吳繼爵陝西涼州人萬曆三年任加太子少保

魏國公徐邦瑞鳳陽府人萬曆七年任萬曆十四年復任

臨淮侯李言恭直隸盱眙縣人萬曆十年任十四年取摠督京營戎政

泰寧侯陳良弼直隸泰州人萬曆十六年任

南京協同守備年表

都督僉事趙倫順天府人景泰元年任

鎮遠侯顧興祖揚州府人天順元年任

都督同知馬良直隸全椒人成化二年任

泰寧侯陳涇揚州府人成化三年任在任三年

定西侯蔣琬揚州府人成化八年任

新寧伯譚祐直隸滁人成化十四年任

豐城侯李勇鳳陽府人成化十五年任加太子太保

修武伯沈煜順天府人成化十七年任

伏羌伯毛銳山後人成化十八年任在任六年

南寧伯毛文山後人弘治元年任

懷柔伯施鑑順天府通州人弘治十四年任

武靖伯趙承慶鳳陽府人弘治八年任

西寧侯宋愷鳳陽府人正德二年任兼行奉祀禮

豐城侯李旻鳳陽府人正德十六年任

保定侯梁永福河南汝陽縣人嘉靖元年任

靖遠伯王瑾保定府人嘉靖三年任

南和伯方壽祥直隸滁州人嘉靖六年任

永康侯徐源合肥縣人嘉靖九年任

安遠侯柳震直隸安慶府人嘉靖二十九年任

豐潤伯曹松直隸儀真縣人嘉靖三十五年任

臨淮侯李庭竹盱眙縣人嘉靖三十七年任

西寧侯宋天馴直隸定遠人嘉靖三十九年任

豐城侯李儒豐城縣人嘉靖四十四年任

南和伯方炳滁州人嘉靖四十五年任

懷寧侯孫世忠大同人隆慶元年任

彰武伯楊炳六合縣人隆慶五年任

靈璧侯湯世隆鳳陽府人隆慶五年任

豐潤伯曹文炳儀真縣人隆慶六年任

武靖伯趙光遠鳳陽府人萬曆八年任

應城伯孫文棟鳳陽府人萬曆十四年任  
新建伯王承勳浙江餘姚縣人萬曆十六年任

南京叅贊年表

南京戶部尚書黃福山東人宣德十年任

兵部右侍郎徐琦陝西人正統五年任十四年陞尚  
書景泰元年止管部事三十年復任

兵部尚書靖遠伯王驥保定府人景泰元年總督

機務

兵部尚書張鳳真定府人景泰四年任

兵部尚書張純湖廣江陵縣人景泰五年任

兵部尚書蕭維禎吉安府人天順六年任

兵部尚書李賓順天府人成化元年任

兵部尚書兼大理卿程信徽州府人成化六年任

吏部尚書崔恭廣平府人成化十一年任

右都御史王恕陝西人成化十三年任十四年陞尚  
書次年改巡撫二十二年復任加太子少保

兵部尚書薛遠廣東人成化十五年任

兵部尚書陳俊興化府人成化十六年任

兵部尚書馬文升開封府人成化二十二年任

兵部尚書耿裕河南人成化二十三年任

兵部尚書張瑩松江府人弘治元年任加太子少保

兵部尚書侯瓚保定府人弘治六年任

兵部尚書張悅松江府人弘治九年任

兵部尚書倪岳應天府人弘治十二年任加太子少保

兵部尚書秦民悅廬州府人弘治十三年任

兵部尚書王繼河南人弘治十四年任

兵部尚書韓文山西人弘治十六年任

兵部尚書王軾湖廣人弘治十八年任加太子少保

兵部尚書林瀚福建人正德元年任

兵部尚書何鑑紹興府人正德二年任

兵部尚書柴昇河南人正德六年任

兵部尚書劉機順天府人正德七年任加太子少保

兵部尚書張潔廣西人正德九年任

兵部尚書喬宇山西樂平人正德十年任加太子少保

兵部尚書廖紀直隸東光縣人嘉靖元年任

兵部尚書陶琰山西絳州人嘉靖二年任加太子少保

保

兵部尚書秦金直隸無錫縣人嘉靖二年任十四年

復任加太子太保

兵部尚書李克嗣四川內江縣人嘉靖二年任加太

子少保

兵部尚書王憲山東人嘉靖八年任

兵部尚書王廷相河南人嘉靖九年任

兵部尚書劉龍山西襄垣縣人嘉靖十二年任

兵部尚書王軌直隸江都縣人嘉靖十五年任

兵部尚書湛若水廣東增城縣人嘉靖十八年任

兵部尚書熊浹江西南昌縣人嘉靖十九年任

兵部尚書王堯封直隸定興人嘉靖二十二年任

兵部尚書張邦奇浙江鄞縣人嘉靖二十二年任

兵部尚書宋景江西奉新縣人嘉靖二十四年任

兵部尚書胡訓江西南昌縣人嘉靖二十六年任

兵部尚書韓邦奇陝西朝邑縣人嘉靖二十六年任

兵部尚書韓士英四川南充縣人嘉靖二十九年任

兵部尚書屠楷廣西臨桂縣人嘉靖三十一年任

兵部尚書潘潢直隸婺源縣人嘉靖三十二年任

兵部尚書張經福建侯官縣人嘉靖三十二年任

兵部尚書周延江西吉水人嘉靖三十三年任

兵部尚書張時徹浙江鄞縣人嘉靖三十四年任

兵部尚書張鏊江西南昌縣人嘉靖三十四年任

兵部尚書江東山東朝城縣人嘉靖三十九年任加



太子少保

兵部尚書李遂江西豐城縣人嘉靖四十年任

兵部尚書胡松滁州人嘉靖四十五年任

兵部尚書郭乾任丘縣人嘉靖四十五年任

兵部尚書劉采麻城縣人隆慶二年任

兵部尚書王之誥湖廣石首縣人隆慶五年任

兵部尚書劉體乾順天府東安縣人隆慶六年任

兵部尚書戴才直隸滄州人萬曆二年任

兵部尚書劉光濟直隸江陰縣人萬曆四年任

兵部尚書翁大立浙江餘姚縣人萬曆六年任

兵部尚書楊兆陝西虜施縣人萬曆六年任

兵部尚書凌雲翼太倉州人萬曆七年任

太子少保兵部尚書潘季馴浙江烏程縣人萬曆九

年任

兵部尚書王遴順天府霸州人萬曆十一年任

兵部尚書劉堯誨湖廣臨武縣人萬曆十一年任

兵部尚書郭應聘福建莆田縣人萬曆十二年任

兵部尚書傅希摯真定府衡水縣人萬曆十四年任

兵部尚書陰武卿四川內江縣人萬曆十五年任

兵部尚書吳文華福建連江縣人萬曆十六年任

兵部尚書楊成直隸長州籍吳縣人萬曆十七年任

弇山堂別集卷六十四

弇山堂別集卷六十五

吳郡王世貞元美著

親征考

天子御甲冑統六師者自高文宣英武凡五廟而出塞者七平內亂者三今悉紀之

元至正乙未六月太祖以大元帥率徐達馮國用邵榮湯和常遇春鄧愈廖永安等舟師渡江拔采石下太平丙申二月率常遇春等大破蠻子海牙軍於采石三月率諸軍取集慶路得其軍民五十餘萬丁酉四月徐達常遇春等攻寧國不下上以吳國公

率師進討克之戊戌十一月率親軍副都指揮楊璟等兵十萬會胡大海等討婺州十二月下之庚子六月陳友諒大舉入寇至建康上遣馮國勝常遇春率虎翼軍三萬伏石灰山側徐達軍南門外楊璟住兵大勝港張德勝朱虎帥舟師出龍江關外上總大兵盧龍山友諒與其弟五王率千艘犯龍灣先遣萬人登岸立柵時暑熱甚忽大雨上督諸軍競前投柵友諒麾其軍來爭戰方合伏發國勝遇春伏兵起徐達兵亦至張德勝等伏兵亦至內外合擊遂大破之俘其卒二萬人殺溺死者無筭獲巨艦百餘戰

舸數百辛丑八月親率舟師討陳友諒於江州克之友諒走壬寅正月下洪都癸卯二月率徐達等破安豐呂瑛兵四月陳友諒大舉圍洪都七月戊辰朔癸酉上率舟師二十萬討之癸未師至湖口先遣一軍屯涇江口復以一軍屯南湖嘴遏其歸路又調信州兵守武陽渡防其奔逸丙戌友諒解圍東出鄱陽湖丁亥與大軍遇于康郎山友諒列巨舟以當我師上見之謂諸將曰彼舟大首尾聯接不利進退可破也乃分舟師爲十一隊火器弓弩以次而列戒諸將近寇舟先發火器次弓弩及其舟則短兵擊之戊子

徐達等進兵搏戰達先諸將敗其前鋒殺千五百人  
獲一巨舟而還遂乘風發火砲焚寇舟二十餘艘殺  
溺死者無筭火延徐達舟撲之更戰 上遣舟救之  
敵乃退 上舟膠于淺敵驍將張定邊奮欲來犯遇  
春從傍射中之乃退廖永忠以飛舸追定邊定邊走  
身中百餘矢日暮諸軍欲退 上御樓舡鳴鈺集諸  
將申明約束咸以死自誓是夕命徐達守建康己丑  
旦 上鳴角舟師畢集親布陣與友諒戰諸軍奮擊  
殺傷大相當至晡戰未解會東北風起 上命以七  
舟載荻葦置火其中命敢死士操之迫敵舟乘風縱

火其水寨數百艘悉被焚烟燄障天湖水盡赤友諒  
弟友仁友貴平章陳普略皆焚死斬首二千餘級辛  
卯復聯舟大戰俞通海廖永忠等以六舟深入擊之  
謂盡歿矣有頃旋繞敵舡而出我師見之勇氣愈倍  
戰益力呼聲動天地波濤起立日爲之晦自辰至午  
敵遂大敗友諒遂奪氣張定邊欲挾之退保鞋山爲  
我師所扼不得出乃斂舟自守 上命俞通海等移  
泊于左蠡友諒亦移舟出泊渚磯相持者三日其左  
右金吾將軍各率所部來降 上乃移書責之友諒  
怒不應我師遂出湖口命遇春永忠等率舟師橫截

湖面邀其歸路一軍弼于岸控湖口者十五日友諒不敢出復移書責之友諒亦不應上與博士夏煜等日草檄賦詩而遣裨將率兵攻蘄州及與國克之女諒食且盡乃遣舟五百掠糧于都昌復爲朱文正兵所燔八月壬戌友諒欲奔武昌乃率樓舡百餘艘趣南湖嘴爲我師所扼遂突湖口上麾諸將邀擊之隨流而下自辰至酉力戰不已抵涇江口涇江之師復擊之未幾有降卒來奔言友諒在別舸中流矢貫睛及顱而死諸軍聞之大呼奮躍敵衆大潰於是擒其太子善見平章姚天祥等明日友諒平章陳榮

等悉以其樓舡軍馬來降得士卒五萬人惟太尉張定邊及楊丞相乘夜以小舟載友諒屍及其子理走武昌追之不及甲辰二月乙未上以吳王親率師圍武昌命常遇春擒其援兵丞相張必先等癸丑陳理率其太尉張定邊等肉袒銜璧出降按太祖自渡江之日親御戎行者九而戰苦蹈危久而後決者惟鄱陽之役自克武昌後下僞吳取中原六飛俱不在行矣文皇帝洪武二十三年以燕王出塞降元太尉乃兒不花等男女數萬口二十五年復出塞不見虜建文元年癸酉遂以燕王起兵癸未率精騎八

千破擒宋忠等於懷來斬首數千級獲馬八千餘匹  
八月巳酉破長興侯先鋒九千騎於雄縣悉廖之獲  
馬八千餘匹尋破都督潘忠等兵于莫州斬獲二萬  
壬戌破大將耿炳文於真定斬首三萬餘級獲馬二  
萬餘匹俘降又數萬人悉遣之遂班師九月復率師  
援永平破吳高師斬首數千級俘獲稱是壬寅襲大  
寧破之挾寧王三護衛之師以南丁未破劉真營九  
九乙卯解北平李景隆圍命張玉將中軍鄭亨何壽  
副之朱能將左軍朱榮李濬副之李彬將右軍徐理  
孟善副之徐忠將前軍陳文吳達副之房寬將後軍

和允中毛整副之十一月庚午以精騎先進破其七  
營諸軍繼之力戰至酉大破景隆兵斬首數萬降者  
亦數萬人悉遣之景隆棄輜重夜遁獲馬二萬餘匹  
十二月乙卯出師征大同二年正月丙寅朔取蔚州  
二月還京庚子復出師禦李景隆巳未破平安軍斬  
首五千餘級獲馬三千匹遂進師大敗之李景隆潰  
而南郭英潰而西斬首數萬級溺死者十餘萬追蹙  
之雄縣月樣橋蹂躪死者復數萬橫屍百餘里降者  
十餘萬人復縱遣之乘勝取德州追景隆至濟南復  
破其衆十餘萬八月解圍還北平十月征遼東移師

還通州渡滄州復至德州遂至東昌與盛庸戰不利  
還真定追兵及還北平三年二月 上復出師壬午  
大破盛庸之師于單家橋斬首十餘萬閏三月己亥  
破吳傑等真定之師於真定斬首六萬餘級遂取大  
名廣平六月壬申焚糧舟數萬艘十月還北平十一  
月丙寅率師南征自是遂深入矣四年之三月壬辰  
破平安兵四萬于渦河四月丁卯復破之于小河斬  
首二萬餘級溺死者不可勝計河水爲之不流辛巳  
破何福等大營擒都督馬溥等三十七員侍郎陳性  
善等一百五十員獲馬萬餘匹辛卯破盛庸等馬步

兵數萬戰艦千艘於兩淮己亥取揚州乙卯復破盛  
庸兵于高資港乙丑入南京蓋 文皇自起兵至即  
大位無一日不在行間而出師者凡七永樂八年

上以淇國公丘福之敗出師討本雅失里虜聞恐甚  
欲與阿魯台西走阿魯台不從衆遂亂互相殺本雅  
失里西奔至古兀古兒札 上率諸將追之至幹難  
河及虜虜拒戰 上麾先鋒一戰而敗之本雅失里  
以七騎遁去俘獲男女輜重孳畜無筭時阿魯台東  
奔復追之至飛雲壑虜合兵以待 上以數百騎挑  
之虜迎戰右哨先與敵虜選鋒以 當我中堅 上

躬率精騎千餘衝之虜陣動我師大呼矢下如注阿魯台墮馬復上我師乘之追奔百餘里虜衆潰敗復以精騎窮追至長秀川命都督冀中等盡收其牛羊雜畜焚其輜重復追之至回曲津大破之斬其名王以下百數十人乃還至廣漠鎮渡河伏兵破其追者所斬獲又千餘始班師十二年北征至忽蘭忽失溫虜寇谷里巴馬哈木太平把禿孛羅等掃境以三萬人逆戰上駐高阜望見寇以分三路令鉄騎數人挑之虜奮來戰上麾安遠侯柳升等以神機砲斃賊數百人上率鉄騎乘之虜敗却武安侯鄭亨追

擊之中流矢退寧陽侯陳懋成山侯王通等率兵攻其右不動豐城侯李彬都督譚青馬聚攻其左虜盡死鬪聚被創都指揮滿都力戰死上遙見之率鉄騎馳擊虜大敗殺其王子十餘人斬首千餘餘衆走大軍乘勝追之度兩高山復戰敗之追至土刺阿馬哈木等脫身遁又三日班師蓋是時雖勝所殺傷相當幾危而復安班師之令所以急下也二十年上北征阿魯台次殺胡原阿魯台與家屬北遁大兵盡收其牛羊駝馬焚其輜重移師征兀良哈至屈裂河虜數萬餘驅牛馬車輛西奔陷大澤中倉猝逆戰



上率前鋒衝之斬首數百追奔至河寇稍聚乃麾兵繞出其右十餘里分兵渡河斷其後寇數百人突而右走盡獲之又麾兵繞出其左十餘里神機弩伏林中邀之寇遂大潰死傷不可勝計追奔三十餘里抵其巢穴斬首虜數十人生獲其黨伯兒伯克等盡收其人口牛羊駝馬焚其輜重兵器其餘黨來降者赦之復追獲其男女千餘尋兩敗其追兵諸將搗其別部者復大敗之斬首數千級盡收其人口孳畜按是舉最爲得志而阿魯台竟遁去未伏誅也二十一年復北征阿魯台不及收別部酋長也先土千等之衆

數千以歸二十二年復北征至荅蘭納木兒河不見虜班師至榆木川而崩盖凡四征虜其言六飛三駕誤也永樂八年 成祖文皇帝北征軍令實錄不盡載故記之

奇功

一與番寇交鋒突入其陣透出敵背殺敗其衆者  
一與番寇交鋒之際勇敢向前衝入賊陣斬獲賊將反奪取賊將旗號者

一與番寇交鋒之際本隊與賊對敵已殺敗賊又見別隊與賊相抗力不能支未決勝負却能救援殺敗

賊衆者

一有受命能任其事出奇破賊成功者

一與番賊交鋒之際齊刃前進者先殺敗賊衆者

一前隊與番寇交鋒未決勝負其後隊向前殺敗賊衆者

一臨陣有勇敢當先殺敗賊衆建立奇功頭功者其

親管頭目即便報之不許扶同妄報違者治以重罪

一行營及下營之時拿獲奸細者陞賞與頭功同

一哨馬生擒獲番寇一人來者賞銀三十兩斬番寇頭一顆來者賞銀二十兩

一行營之時遇有衣服及馬鞍弓箭撒袋不同即便拿住送來如係奸細陞賞與頭功同

一行營之時遇有衣甲弓箭撒袋相同喝問答號不同者即便拿住如是奸細陞賞與頭功同

一遇有來降番寇將帶老小口畜分毫財物不許擅動即來報不許害

一臨陣與番寇對敵務要隨刃殺賊不許聚作一塊製拽成空如有與賊相抗力不能支不能決勝此必平日不能撫恤軍士不能精操選練士卒不能整搦隊伍此等無勇無謀全伍皆斬

一臨陣之時務要交鋒一時向前殺敗番寇如是不  
行盡力殺敗番寇者全伍皆斬

一擺列隊伍已定不許馬軍插入步隊步軍插入馬  
隊如有此等拿住治以重罪如是臨陣之際或一時  
混戰尋本隊不見插入別隊者不在禁例

一臨陣對敵之時殺敗番寇務要盡力勦殺不許搶  
擄人口馬匹財物違者治以重罪如是所騎馬乏許  
將拿番寇馬匹換騎向前追勦

一對敵之際務要齊力前進不許遲慢一隊遞相看  
着一隊中間有齊力前進者戰勝之後即便出首治

以重罪有容情不出首者一體治罪

一管軍頭目務要撫恤愛養軍士聽號令不許怠慢  
如有軍士一人不在的小旗即報總旗總旗即報百  
戶百戶即報千戶千戶即報指揮指揮即報都指揮  
都指揮即報坐營總兵官坐營總兵官即報奏知

一征進官軍但有出迤者斬該管頭目務要隨即報  
知如不報者治以重罪

一軍士每務要選練精壯能廝殺務要人馬相應不  
許將軟弱不堪的插入隊伍如有人壯馬弱及馬壯  
人弱的將壯馬與好漢騎坐向前廝殺如自己有馬

臨陣之際能情願借與好漢騎坐廝殺有功時許與借馬之人分賞如借與馬者不願分賞從其本心

一征進戰馬務要十分愛惜不許擅自騎坐遇有賊對敵方許騎坐若無事騎坐者治罪

一各營軍士喂養馬馱務要十分愛惜馱載該管頭目時常點閱如有故違俱治以重罪

一有將軍器故意拋落遺失及盜賣軍器者各治以重罪

一各軍行糧麵炒該管官旗務要常川點閱如數

一使軍士常飽不許過用遺棄如有過用及遺棄者

此是損自己氣力以資敵人違者并該頭目皆斬

一軍行及下營之時務要各認隊伍不許拋前落后擅離隊伍及雜入別營別隊如有故違該管頭目俱治以重罪

一夜行遇即喝問一聲便要答號如有答號不得者即係奸細就便拿住送來辯驗果係奸細照例陞賞若有故意不答號者及有見而不拿者事發俱治以重罪

一每軍中夜間以各等大小銅角笛聲爲號不許聲音相同務要各聽號聲識認隊伍不許叫營違者論

罪不輕

一軍中夜間務要肅靜不許誼譁有誼譁者即根問所起之處及左右相近應聲之人與該管頭目皆治以重罪

一每行營務待大營旗纛起行或聽駕前銅角聲各營方許起行

一每日下營各營令步軍或五隊十隊量撥隊數披掛伺候馬隊或三四隊量撥隊數卸下行李不摘鞍伺候待長圍及架砲者擺布停當方許脫甲解鞍入營吃飯休息喂馬

一有將人衣服糧粃等項偷盜及偷馱馬宰殺將人遺落下馱垛檢括隱藏了的拿住都殺了不饒若有知情來出首的得實給與賞賜有知情不出首的不許隱藏隨即送赴該軍該軍送赴大營早朝去處着人識認若收後官軍不應用心收拾致有馬匹馱垛遺落在後被後哨官軍收到者收後官軍治以重罪不恕

一每日各營燒火務要謹慎不許失火如有失火即是與番賊遞送消息其失火者與該管頭目治以重罪

一每日行營不許與途間做飯下營時方許做飯違者并本管頭目皆斬

一下營之時所掘水井務要令人監守不許作踐及藏占自用違者治以重罪

一管隊官員及總小旗常要點聞軍中有病者即時喚醫療治不許遲慢其各軍該管藥料官員及醫士亦要巡視本軍有病者隨即發藥醫治不許刁蹬留難措取財物違者一體治罪

一長圍及坐冷的務要晝夜用心仔細關防

一各營架砲的務要照依地方瞭望但有灰塵揚起

及人馬往來的隨即火速來報若是聽得哨馬營及四方八面砲响亦隨即火速來報

一朝廷設立掠陣官臨敵之時看視廝殺有退後者即斬之

一朝廷設立報事官遇有事即便飛報不許頃刻遲慢

一朝廷設立紀功過官有功者即便紀之有過者即便錄之以憑賞罰

一令內官將帶象牙圓牌臨陣看視有敢勇當先奮力向前殺敗番寇能建立奇功頭功者即給與牙牌

收執徑赴大營奏知關給勘合以憑陞賞

一軍中有妄談災異及妖言者斬知情不首者一體治罪知情首告得實給與重賞

一軍中有漏泄軍機者斬首告者得實給與重賞

一凡見鹿及黃羊野馬諸雜等獸驚走奔突入營及入隊伍者務要報知

一望見塵起不問是旋風揚沙及野獸騰踏塵起皆要報知

一見死馬死牛羊等物即便報知

一見牛羊駝馬諸雜等糞不問久近燥濕及駝馬牛

羊蹤跡俱要來報

一如拾得一應物件或男子婦人衣粧首飾及一應

文字等項不問是久遠新近遺下之物隨即報知

一行軍在道不許打圍

一望遠似馬非馬似鹿非鹿似人非人亦即來報

一白日見烟夜裏見火不問似火非火人火鬼火俱

要報知

一見有功次務要從實開報不許欺誑虛報有虛誑者治以重罪如所報得實照依功次簿籍記給與勘合陞賞如無勘合不准

一凡聽號令之後坐營總兵官發落指揮發落千戶千戶發落百戶百戶發落總旗總旗發落小旗小旗發落軍士務要一時都要知道號令用心謹慎遵守

十九年英國公張輔等同六卿議北征餽運輔等議分爲前後運前運隨大軍行後運稍後前運合用總督三人隆平侯張信尚書李慶侍郎李昶車運駟運各分官領之領車運者二十六人泰寧侯陳愉都督張遠吳顥都御史王彰侍郎張本伏伯安指揮十人郎中真外郎中主事五人監察御史五人領駟運二

十五人鎮遠侯顧興祖都督張安尚書趙玘侍郎崔衍都指揮李德指揮十人郎中真外郎中主事五人監察御史後運惟車輛合用總督官二人保定侯孟瑛遂安伯張瑛爲之副者二十七人侍郎郭敦都指揮陳景光指揮十人監察御史五人郎中真外郎中主事十人仍命孟瑛陳瑛率領馬軍千人步軍五千人護送前後送共用駟三十四萬車一十萬七千五百七十三輛挽車民丁二十三萬五千一百四十六人糧運三十七萬石從之按北征餽運之煩乃爾非當時物力豐厚未有能繼者也



宣德元年八月壬辰朔漢王高煦反 上親征初高煦蓄異謀已久既 上即位愈縱肆奏求駝馬命中官送駝四十馬百二十遺之又遣太監楊瑛賜之袍服瑛既行軍民有上高煦反狀者 上初不聽已丁憂御史李濬赴京上變諸送駝馬袍服中官俱奔還而高煦所遣親信人枚青等入京約諸功臣爲內應青暮至太師英國公張輔所即縛之以聞 上親鞫之得其實而山東都布按三司及所屬郡邑奏皆至上始命飭兵備而遣中官侯泰諭慰之丁卯高煦齎奏指斥乘輿索誅文武大臣以夏原吉爲首 上

召英國公輔議親征輔請曰高煦雖跋扈而素懦怯且今所擁非謀戰士願假臣二萬卒保爲 陛下擒之不足仰煩 至尊 上曰朕任卿一人足以擒賊但新即位小人尚有懷二心者亦當有以攝服之朕行決矣勅中外戒嚴癸亥召大同總兵武安侯鄭亨乙丑召永平總兵遂安伯陳瑛各還京已巳命陽武侯薛祿清平伯吳成太監劉順等率兵二萬爲前鋒目以大兵繼之豐城侯李賢侍郎郭璉郭敦李昶等督餉鄭襄二王居守廣平侯李容武安侯鄭亨都督張昇 山雲尚書黃淮黃福李友直佐之大賚從征

將士申約束少師蹇義少傅楊士奇少保夏原吉太子少傅楊榮太常卿楊溥參密務太子少保吳中尚書胡濙張本通政使顧佐扈行辛未發京師侯泰還匿高煦反狀不以聞丙子發哨騎五百與陽武侯兵接丁丑命崇信伯費璫以精兵益陽武侯時高煦分其衆卒爲五軍王斌領前軍濟陽王監之韋達領左軍臨淄王監之盛堅領右軍昌樂王監之朱恒領後軍淄川王監之高煦親率中軍世子守宮城擇日出兵會聞上親征而所使結山東布按二司皆不應又欲選精騎趨南京皆不果戊寅上復遣書諭降

之庚辰空次鹽山陽武侯等馳奏前軍已至樂安約明日出戰上命大軍蓐食兼行辛巳昧爽至樂安駐蹕城北分命諸將壁四門高煦等乘城守大軍進攻之神機銃砲疊發如雷霆屋瓦皆墮後遣勅諭高煦許待以不死午再遣勅諭之且別勅射城中曉示順逆禍福咸感動有欲執高煦以獻者高煦懼密遣人詣行幄陳奏願寬假今夕與妻子別明日躬赴軍門歸罪上許之是夜高煦盡取積歲所造兵器與凡謀議交通文書燬之城中竟夕火光燭天壬午高煦從間道出至大軍爲吏所執以獻文武群臣請僇

之不聽以章示高煦頓首請罪乃俾爲書召諸子同歸京師執其同謀僞太師都督尚書王斌王彧韋達朱恒錢巽等下獄癸未改樂安州爲武定州甲申太監孟驥陳蕪馳奏 皇太后諭鄭襄二王及文武群臣遣書趙王高燧乙酉班師命陽武侯及尚書張本留撫武定軍民九月丙申還京師作新館于西安門內處高煦夫婦男女其飲食衣服之奉悉如舊已亥磔逆黨王斌等六十餘人族之庚子通謀者山東都指揮使靳榮天津衛鎮守都督僉事孫勝山西都指揮張桀楊雲青州左衛指揮史誠河間衛鎮撫

溫英德州衛指揮鄭興鎮撫劉志等六百四十餘人知縱藏匿應死而減戍邊者千五百餘人編置邊者七百二十七人壬寅大宴從征文武群臣英國公張輔等六千八百五十餘人於奉天門賞賚有差宣德三年九月辛亥 上巡邊至薊州石門驛喜峰口守將報兀良哈虜萬人侵邊入大寧經會州將入寬河 上欲親擒之壬子駐蹕遵化選精銳三千人人挾二騎十日糗糧以俟乙卯 上率之出喜峯口大兵後從昧爽至寬河距虜營二十里虜望見以爲戍兵悉衆來逆戰 上分鐵騎爲兩翼夾擊之 上親射

殪其前鋒三人兩翼爭前奮射飛矢如雨繼而神機  
銳砲疊發虜衆大潰上以數百騎直前追之虜望  
見黃龍旗知上親在也悉下馬羅拜請降皆生縛  
之獲其生口駝馬牛羊輜重丙辰斬其酋渠駐蹕分  
命諸將搜虜巢穴壬戌忠勇王金忠及其甥把台各  
獲虜寇數十人馬百餘牛羊數百至上喜命中官  
賜之內厨酒饌飲以大金爵併賜之諸將捕虜口至  
者無虛日甲子詔班師丙寅射虎于喜峯口癸酉  
還京甲戌文武群臣表賀諸將之鹵獲者次第悉至  
視永樂爲盛辛巳賜扈從巡邊文武官員人等宴鈔

官每負五錠舍人將軍校尉軍士人二錠辭事吏厨  
役匠人軍伴人一錠正統己巳七月虜分道入寇肱  
脫不花王寇遼東阿剌知院寇宣府圍赤城也先寇  
大同至猫兒庄右叅將吳浩迎戰敗死報至遂議親  
征府部大臣等諫不聽癸巳命岫王居守駙馬都尉  
焦敬等輔之太師英國公張輔等從征宣府總兵官  
楊洪奏虜圍馬營三日將河水斷絕營中無水是日  
大同總督軍務西寧侯宋瑛等與虜戰陽和後口全  
軍覆沒瑛及總兵官武進伯朱冕俱死監軍太監郭  
敬伏草中得免左叅將石亨奔還大同甲午上親

征乙未效擅虎臺軍中夜驚丁酉道居庸群臣請駐蹕不許辛丑至宣府大風雨邊報益急群臣請駐蹕太監王振怒俱令略陣壬寅次鷄鳴山成國公朱勇等取王振進止膝行而前戶兵部尚書王佐鄺埜守老營先行矯旨罰跪草中至暮始什欽天監正彭德清以天文止行振不聽學士曹鼐有言亦不聽八月戊申朔至大同太監郭敬密告振以虜設伏塞外會大雨振議旋師庚戌東還次雙塞黑雲如蓋覆御營俄雷電風雨大作六師驚囂徹夜不止議從紫荆關入王振邀上過其蔚州里第既又恐損稼復

轉從宣府行丁巳至宣府庚申將發宣府報虜將襲我後遣恭順侯吳克忠都督克勤爲後拒力戰敗沒至晚報益急命成國公朱勇永順伯蘇綬以兵四萬逆之至鴉兒嶺冒險入遇敵復敗沒辛酉次土木掘井二丈餘不得水人馬渴虜分道入撓我師不得行壬戌虜詐退振令移營虜逼而薄之遂大潰上蒙塵王振等諸中貴及太師英國公張輔泰寧侯陳瀛駙馬都尉井源平鄉伯陳懷襄城伯李珍遂安伯陳埧脩武伯沈榮都督梁成王貴戶部尚書王佐兵部鄺埜吏部左侍郎兼翰林院學士曹鼐刑部右侍郎

丁鉉工部右侍郎王永和都察院右副都御史鄧棨  
翰林侍讀學士張益通政司通政弓全安太常少卿  
黃養正戴慶祖王一居太僕少卿劉容尚寶少卿凌  
壽給事中包良佐姚銑鮑輝中書舍人俞拱潘澄錢  
曷監察御史張洪黃常魏貞夏誠申祐尹竝童存德  
孫慶林祥鳳郎中齊汪馬學明貞外郎王健程思溫  
程式逮端主事俞鑑張塘鄭瑄大理左寺副馬豫行  
人司正尹昌行人羅如墉欽天監夏官正劉信序班  
李恭石王等皆死焉正德十二年二月丁未 上親  
督諸軍禦虜于應州虜遁駕還駐大同左衛城先是

虜五萬餘騎營玉林將入寇 上在陽和聞之命諸  
將分布要地大同總兵官王勛總兵張輓遊擊陳鈺  
孫鎮軍大同城遼東叅將蕭宰軍聚落堡宣府遊擊  
時春軍天城副總兵陶杰叅將楊玉延綏叅將杭雄  
軍陽和副總兵朱鑾軍平虜遊擊周政軍威遠時九  
月戊戌也既而虜分道南下營于孫天堡等處勛輓  
鈺鎮率所領禦之 上命春澤往爲之援政鑾及大  
同右衛叅將麻循平虜城叅將高時尾虜後又亟調  
宣府總兵官朱振叅將左欽都勲龐隆遊擊靳英俱  
會陽和叅將江桓張晷爲後應十月甲辰勛遇虜繡

衣村督軍步戰虜南遁應州而去明日輓鉦鎮與勛  
復遇虜應州城北五里寨戰數十合頗有殺傷薄暮  
虜傍東山而近仍分兵圍勛等比曉大霧圍乃解勛  
等入應州城鑿及守備左衛城都指揮徐輔兵至又  
明日勛等出城遇虜于潤子村大戰淬春政時循等  
兵亦至虜以別騎迎敵我軍不得合 上乃率內外  
提督監督太監張永魏彬張忠都督朱彬及振杰玉  
欽勛英隆雄叅將鄭驃等兵 陽和來援衆殊死戰  
虜稍卻諸軍乃合會暮即其地爲營壘乘輿止焉明  
日虜來攻 上復督諸將禦之 日辰至酉戰百餘合

虜乃退明日引而西 上與諸將且戰且逼追至平  
虜朔州等邊上欲復進兵會天 入風黑霧晝晦我軍  
亦疲困乃還復合勛及巡撫僉都御史胡瓚以捷聞  
于朝是役也斬虜十六級而我軍死者五十二人重  
傷者五百六十三人乘輿幾陷 按此所謂應州功也  
還京日文武百官具綵帳數十綵聯千數不敢稱尊  
號惟稱威武大將軍文武官列御名亦不敢稱臣大  
學士廷和奉觴儲執壺汪酒冕奉果紀奉金花七月  
論功太監張永魏彬張忠歲祿二十四石蔭一姪錦  
衣千戶都督僉事朱彬陞三級蔭如之太監佛保英

趙林陞一級蔭如之其餘總兵副參侍郎都御史御史郎中主事及官旗軍合應陞賞者至九千五百五十五人又勅兵部曰總督軍務朱壽親統六師勦除虜寇汎掃腥膻安民保衆雄威遠播邊境肅清神功聖武宜加爵顯以報其勞今特加威武大將軍公爵俸祿仍諭吏戶二部加之又勅曰軍前內外有功官員人等已陞賞矣尚念太監谷大用掌管關城勤勞夙夜蕭敬溫祥賴義秦文張欽薛貴韋霧張淮李英典司機務慎重安詳張銳并都督朱寧提督官校防密周密兵部尚書王瓊并侍郎陳王王憲運籌建議

勤勞居多太監于經周昂奉命往來供事不憚都督朱泰朱洪宋贊操練士馬克副委任大用銳并敬等各歲加祿米二十四石廕弟姪一人寧瓊各賞銀五十兩紵絲四表裏廕子一人俱錦衣衛世襲正千戶經昂各祿米十二石廕弟姪一人王憲各廕子一俱錦衣衛世襲百戶洪泰贊各陞一級錦衣衛官舍米政朱勲朱舍利朱得邦侍從左右効勞協力各廕爲本衛世襲指揮使內有乞恩傳陞者除去原有軍功者累陞又勅內閣楊廷和梁儲蔣冕毛紀運籌定議協力成功賞銀五十兩紵絲四表裏廕子姪一人錦



衣衛世襲正千戶文武各衙門皆供事勤勞五府六部掌印官都察院左右都御史并提督五軍營劉佶提督倉場尚書楊潭專官誥勅尚書李遜學掌太常寺事尚書劉愷各賞銀五十兩紵絲四表裏五府堂上見任并侍郎副僉都御史通政大理寺卿錦衣衛堂上官各銀三十兩紵絲二表裏其侍郎通政使在別衙門掌事者賞亦如之左右通政大理少卿寺丞并科道掌印官各銀二十兩紵絲一表裏兵部該司官郎中銀十兩員外郎八兩此十六級之功而爵賞若此寧夏中原功賞又不足言矣內閣大臣雖僅僅

能辭而已不能有所持衡也 上又爲 勅朱壽統

領六師掃除邊患特加封鎮國公歲支祿米五千石吏部如 勅奉行吏部執奏不聽命于後軍都督府帶俸朱彬封平虜伯朱泰封安邊伯矣尋又以前功陞蔭錦衣指揮使秦玉爲都督同知魏天祥溫得爲都督僉事指揮使指揮同知周暹正千戶李欽爲都指揮同知副千戶張祥爲都指揮僉事署指揮僉事趙信爲署指揮僉事正千戶蘇榮爲指揮使署正千戶馬祥爲署都指揮使舍人張俊韓盛聰劉棟楊勝蕭迪谷柯蔣鋹張奇甯璽爲正千戶陳釗爲百戶天

祥等十五人皆太監魏彬張永趙林蘇進馬英張忠  
蕭敬谷大用蔣貴張淮秦文溫祥李英于經周昂弟  
姪而甯璽冒賴義姓陳釗爲佛保家僮韓盛聰劉棟  
爲韋霽張欽表姪楊勝爲張銳表兄也既而天祥等  
復自叙其功宜改正重陞於是復陞玉爲右都督得  
天祥俱都督同知信署都指揮同知榮都指揮僉事  
祥署都指揮僉事迪璽奇俱指揮僉事自古賞功之  
濫未有如此役者正德十四年五月丙辰御史蕭淮  
奏寧王宸濠有逆謀遣太監賴義駙馬都尉崔元左  
副都御史顏頤壽往江西宣諭令以原革護衛并屯

田敵還官六月丙子宸濠反殺巡撫都御史孫燧按  
察副使許逵戊寅陷南康己卯陷九江庚辰提督南  
贛都御史王守仁吉安知府伍文定起兵討之己丑  
宸濠兵圍安慶六月壬辰宸濠率大兵繼之甲辰反  
書聞下廷臣議命將征之得旨朕當親統六師奉  
天征討不必命將先遣安邊伯朱泰搃兵前哨趨南  
京太監張忠左都督朱暉領兵趨江西搗其巢穴是  
日復傳旨寧王宸濠悖逆天道謀爲不軌殺巡撫等  
官燒燬州縣荼毒生靈傳聞已至湖口將犯南京即  
令總督軍務威武大將軍總兵官後軍都督府太師

鎮國公朱壽親統各鎮邊兵征勦侍郎王憲率戶工各屬官一員整理糧草什物兵部仍行各軍衛有司預備馬疋船隻并水戰器具江南選熟知鄉導水手二千名赴淮安聽用河南選汝寧府扒山精壯五千入取路應援南京內外守備叅贊等官晝夜關防練兵固守浙江湖廣鎮巡等官各聚兵于通路把截儀真等處守備等官各于要路開口盤詰把遏南北直隸并各鎮鎮巡等官各操練軍馬保障地方尋命張忠提督軍務朱泰掛威武副將軍印朱暉掛平賊將軍印俱統總兵官仍給泰符驗銀牌綵段及叅隨頭

目四十九人西官廳官軍五百人鎮守撫按等官悉聽節制丙午宸濠圍安慶不克引兵還辛亥王守仁兵下南昌乙卯賞從征官軍三萬五百人人各銀五兩布二疋丁巳削宸濠封爵屬籍詔告天下謂宸濠悖逆天道得罪祖宗朕不敢赦祇告天地宗廟親統六師正名討罪除首惡及同謀有名逆賊不赦外其餘脅從之徒盡行寬宥什占奪田地悉還本土本處并經過人負近因迫脅拘繫妻子禁錮者即與什放護衛及軍民戕官先因陳奏宸濠非罪謫降者查奏起用死者贈官生者優卹又詔諭江西城中及附近地

方官負軍民人等有糾聚義兵擒殺逆賊者量功之  
大小拜封侯伯及陞授都指揮指揮千百戶等官世  
世承襲賊黨內有能自相擒斬首官者與免本罪仍  
一體陞賞丁巳王守仁兵追及宸濠於樵舍獲之并  
獲其世子邵王將軍并偽國師軍師元帥叅贊尚書  
等官屬李士實劉養正等數百人己巳命太監張永  
率團營堂后及宣府北路官軍各五百人提督贛書  
機密軍務兼覈勘宸濠反逆事情及宮眷庫藏壬申  
命大學士梁儲將冕扈從聽以官屬自隨撥隨征官  
軍百人防護辛巳禮部 上大駕親征辭告禮儀聽

平虜伯朱彬以叅隨頭目都指揮朱勳朱杰等四十  
二人及西官廳團營二百五十人自隨癸未 上發  
京師傳 旨命平虜伯朱彬提督叅贊機密軍務仍  
督軍門官校辦事左都督朱周協贊行事錦衣衛掌  
衛事左都督朱寧隨征聽寧以官校五十六人營兵  
二百五十人朱周以官舍三十八人西官廳兵各二  
百人自隨又命都督俞事朱琮同太監劉祥佛保統  
捕盜硬兵五百人管押舡隻防運神器官軍賞賜銀  
布如之己酉初南京內外守備太監黃偉等轉述宸  
濠偽檄張彼訛謗搖惑軍心自今片紙隻字不許傳

逝丁亥至涿州以後屬巡幸

弁山堂別集卷六十五

通一  
文星  
涿州  
以後  
爲  
遊

東坡別集卷六十五

